

DEDDF YR AMGYLCHEDD HANESYDDOL (CYMRU) 2016

EXPLANATORY NOTES

SYLWEBAETH AR YR ADRANNAU

Rhan 2: Henebion Hynafol Etc

Adran 11 – Cytundebau partneriaeth dreftadaeth

9ZA Cytundeb partneriaeth dreftadaeth

59. Mae adran 9ZA(1) yn nodi bod rhaid i'r partïon i gytundeb gynnwys Gweinidogion Cymru a pherchennog heneb gofrestrdig neu dir sy'n cydffinio â heneb gofrestrdig neu dir sydd yng nghyffiniau heneb gofrestrdig. Mae adran 9ZA(2) yn caniatáu i bersonau ychwanegol fod yn bartïon i gytundeb, gan gynnwys unrhyw berson a chanddo fuddiant yn yr ased, megis gr#p cymunedol, neu unrhyw berson sy'n ymwneud â rheoli'r ased, megis rheolwr safle.
60. Caiff cytundeb partneriaeth dreftadaeth roi cydsyniad heneb gofrestrdig ar gyfer gwaith penodedig at ddiben:
 - symud yr heneb gofrestrdig ymaith neu ei hatgyweirio, neu
 - gwneud unrhyw newidiadau i'r heneb neu ychwanegiadau ati.
61. Caiff cytundeb hefyd bennu unrhyw amodau sydd ynghlwm wrth y cydsyniad hwnnw.
62. Ni chaiff cytundeb partneriaeth dreftadaeth roi cydsyniad heneb gofrestrdig ar gyfer gwaith sy'n arwain at ddymchwel neu ddinistrio heneb gofrestrdig neu wneud unrhyw ddifrod iddi (adran 2(2)(a) o Ddeddf 1979) nac ychwaith ar gyfer unrhyw lifogydd neu weithrediadau tipio ar y tir, yn y tir neu o dan y tir lle y mae heneb gofrestrdig (adran 2(2)(c) o Ddeddf 1979).
63. Mae adran 9ZA(4) yn nodi'r ystod o faterion ychwanegol y caiff cytundeb partneriaeth dreftadaeth wneud darpariaeth ar eu cyfer, gan gynnwys y fanyleb o waith y mae'r partïon yn cytuno na fyddai cydsyniad heneb gofrestrdig yn ofynnol ar ei gyfer.
64. Mae adran 9ZA(6) a (7) yn diffinio perchennog ("owner") at ddiben cytundebau partneriaeth dreftadaeth ac yn caniatáu i Weinidogion Cymru ymrwmo i gytundeb ag unrhyw un neu ragor o berchenogion heneb gofrestrdig sydd o dan amlberchenogaeth, heb orfod ymrwmo i gytundeb â phob un o'r perchennogion hynny.